

# Lafont

## I.

Belhs m'es l'estius e-l temps floritz,  
quan l'auzelh chanton sotz la flor;  
mas ieu tenc l'ivern per gensor,  
quar mais de jòy m'i es cobitz.  
E quant hòm ve son jauzimen,  
es ben razós e d'avinen  
qu'òm sia plus coyndes e guays.

## II.

Er ai ieu jòy e suy jausitz  
e restauratz en ma valor,  
e non iray jamai alhor  
ni non querrai autruy conquistz,  
qu'eras say ben az escien  
que selh es savis qui atén,  
e selh es fòls qui tròp s'irays.

## III.

Lonc temps ai estat en dolor  
e de tot mon afar marritz,  
qu'anc no fuy tan fòrt endurmitz  
que no'm rissidès de paor.  
Mas aras vey e pen e sen  
que passat ai aquelh turmen,  
e non hi vuelh tornar ja mays.

## IV.

Mout mi tenon a gran honor  
totz selhs cuy ieu n'ey obeditz,  
quar a mon jòy suy revertitz;  
e laus eu lieys e Dieu e lhor,  
qu'er an lur grat e lur prezen.  
E qué qu'ieu me'n anès dizen  
lai mi remanh e lay m'apays.

V.

Mas per sò m'en suy encharzitz  
ja non creyrai lauzenjadors:

q'anc no fuy tan lunhatz d'amor

qu'er no'n sia sals e gueritz.

Plus savis hòme de mi mesprèn,

per qu'ieu sai ben az escien

qu'anc fin'amors hòme non trays.

VI.

Mielhs mi fora jazer vestitz

que despollatz sotz cobertor,

e pueisc vos en traire auctor

la nueyt quant ieu fuy assalhitz.

Totz temps n'aurai mon còr dolen,

quar aissí's n'aneron rizen

qu'enquer en sospir e'n pantalais.

- letto 618 volte

Credits | Contatti | © Sapienza Università di Roma - Piazzale Aldo Moro 5, 00185 Roma T (+39) 06 49911  
CF 80209930587 PI 02133771002

---

**Source URL:** <https://letteraturaeuropea.let.uniroma1.it/?q=laboratorio/lafont-2>